

**Դիտողություններ և առաջարկություններ «Պետական
տեղեկատվական համակարգի կառավարչական համակարգը ստեղծելու և դրա
կիրառման կարգը հաստատելու մասին» ՀՀ կառավարության որոշման նախագծի
(այսուհետ նաեւ՝ Նախագիծ) վերաբերյալ**

Նախագծի հիմքում «Հանրային տեղեկությունների մասին» ՀՀ օրենքի (այսուհետ նաեւ՝ ՀՏ օրենք) 20-րդ հոդվածի 2-րդ մասն է, որի համաձայն՝ պետական տեղեկատվական համակարգին աջակցող համակարգերը ստեղծվում (ձևավորվում) են Կառավարության որոշմամբ, եթե օրենքով այլ բան նախատեսված չէ: Կառավարությունը հաստատում է նաեւ նշված համակարգերի կիրառման կարգերը (կանոնակարգերը), եթե օրենքով այլ բան նախատեսված չէ: Այդ համակարգերն են՝

- 1) տվյալների դասակարգման համակարգը.
- 2) ազգային տարածական տվյալների ենթակառուցվածքը.
- 3) տեղեկատվական համակարգերի անվտանգության միջոցառումների համակարգը.
- 4) տվյալների փոխանակման շերտը.
- 5) պետական տեղեկատվական համակարգի (ՊՏՀ) կառավարչական համակարգ:

Այնինչ նախագիծն առերեւոյթ դուրս է եկել լիազորող նորմի շրջանակներից, մասնավորապէս

- սահմանում է մինչեւ «Հանրային տեղեկությունների մասին» ՀՀ օրենքի ուժի մեջ մտնելը ստեղծված և գործող տվյալների շտեմարանների լիազորված մարմինների պարտականությունը՝ պատրաստելու տվյալների շտեմարանի փաստաթղթերը մինչև 2026 թվականի նոյեմբերի 1-ը: Նման լիազորող նորմ ՀՏ օրենքում առկա չէ:
- սահմանում է հասկացություններ, որոնք արդեն իսկ սահմանված են վերաբերելի օրենքներով (օրինակ՝ տվյալների շտեմարանի հասկացությունը), կամ սահմանում է օրենքներով արդեն իսկ սահմանված հասկացությունների ձեւափոխված տարբերակներ (օրինակ՝ տվյալների փոխանակման շերտի անգլերեն անվանումը, հապավումը, որոնք նախագծում այլեւս չեն հանդիպում)
- սահմանում է ՊՏՀ-ի կառավարման սկզբունքները - լիազորող նորմի շրջանակները հստակորեն սահմանված են ՀՏ օրենքով և դրանք չեն ներառում նման սկզբունքներ սահմանելու հնարավորությունը
- սահմանում է տվյալների շտեմարանների ստեղծումը, ստեղծման մերժումը, ծտեմարանի աշխատանքի դադարեցումը, ինչպես նաեւ տվյալների շտեմարանում հավաքագրված տվյալների կազմը փոխելը - ՀՏ օրենքի 20-րդ հոդվածի 2-րդ մասը չի նախատեսում նման լիազորություն
- սահմանում է ինքնավար մարմնի գործառույթները ՊՏՀ ԿՀ անխափան գործունեությունը և անվտանգությունն ապահովելու շրջանակներում - ՀՏ օրենքի 20-

րդ հոդվածի 2-րդ մասը չի նախատեսում նման լիազորություն, ավելին, ինքնավար մարմնի գործառույթների վերաբերյալ հարցերն առերեւոյթ կարգավորման են ենթակա «Տեղեկատվական համակարգերի կարգավորման մարմնի մասին» օրենքի շրջանակներում:

Առաջարկում ենք Նախագիծը խմբագրել՝ համապատասխանեցնել ՀՏ օրենքի 20-րդ հոդվածի 2-րդ մասի նորմի լիազորության շրջանակին, բացառել Տ օրենքի 20-րդ հոդվածի 2-րդ մասից չբխող կարգավորումները: